


T/1054/84/3122(15)

15

34854



春日舒禹弼招飲有僧並妓在座漫賦



沈郎此日恰無錢換酒憑詩鬧客邊
火宅僧歌仙子曲香泉妓打霸王鞭
只容明月窺佳趣那顧梅花笑俗緣
迂濶行為今不作何如隨遇樂新年

題莊周夢蝶圖

不是莊周夢蝴蝶原來蝴蝶夢莊周
笑他一覺人間世空著南華作枕頭

偶感

獨吸牀頭甕裏雲不思詩社著詩勳
松凋豈至無堅

節竹裂何曾有曲紋呼馬呼牛憑世客化蟲化鶴在心君長安此日清風好吹遍山城草木欣

夏日喜元珍昆仲來館小飲得四絕句

賒酒留雙客澆花派四童人情全不說怕惹劍飛空
蝶喜穿花舞蟬閑抱柳吟如眉湖月媚可弄一張琴
香熱沉水妙啜盡一壺茶問字來村婢鬪頭亂搗花
世事搃茫茫何須話短長不如拚一醉醉卧水雲鄉

百圖自壽詩

君不見羲之圖頡之畫乾坤開闢文章祖景之鐘宣

之鼓風雲呵護蛟螭舞書碧京篆紫府靈嶽仙山時
一覩扶蘭亭搜玉錄平生自幼珍奇古嗟哉我生七
月時 萱花零落已長離空思 慈面為何若魂夢
相逢亦不知長而嗜學遊黌序將謂一飛到天池板
弓不及追烟鬼礪斧無能劈月枝昆弟三人予在季
忽忽而今五十矣追憶大兄二兄相繼死問年三十
有奇耳恍惚音容常在目早已青山寒白骨所幸
椿齡邁八旬而今別我悲風木天遙海蕩息何窮地
罪山辜重難贖屈指二十餘年中送盡 父兄同一

哭未慣持籌家業零壯遊四海無羈束飄流此日在
京都舉夔隊裏不須吾 皇家金印於何有翰苑

圖書究亦無坐擁百城歌且嘯區區江左老寒儒歲
在壬辰十一月今朝沈子是懸弧鄉園雖隔三千里
兒姪在側豈云孤絃歌底用優人演祝頌無煩名士
鋪請看開匣光芒騰萬丈先生自壽陳百圖或肉如
拱璧或稜如國印或堅如金精或溫如玉潤半世所
經營燦若皆竒雋豈其聚所好燕石為瑜瑾山膚鮮
割度索霞岷光翠洗麻姑鬢一圍圓嶠黛痕黃四削

方壺冰色淨獅猊蹲背怒如生龜龍紐首蟠不磷腕
力刀鋒走正中淺深迴曲鐫手工天吳捧出水晶宮
蟲蠶蠕蠕皆化龍陰紋凹折壘秋澗陽紋陡立蟠銀
線几案氤氳雲氣現秦漢以來所未見蘸透紅脂印
入紙桃花古洞杳無底壯起文章斑陸離寶用不啻
書生壘清言豈獨鏤風花妙句寧云題姓字磊砢猶
自未逢時無非表我心中事斲崆峒幾磨礪直須載
寶傲南宮抱珊瑚涕洟潛何如卞氏老荆山笑硜硜
疑碌碌善價無成空韞匱鬱鬱光幽幽明堂有日

配天球風霜不泐歲月久伴我疎狂鎮相守挺成傲
骨扣金聲正堪祝我南山壽百方臚列艷如丹怪怪
竒竒驚史籀表來成軸掛中堂詎比前人印譜舊算
一圖兮活一年玩一圖兮酌一斗佩來仙印紀仙班
那羨人間拖紫綬誰云遇合終無有舉盃大放眉頭
皺又安見水濱皓首作漁夫行吟散髮終狂徒願陳
五福同洪範願輸一敬比丹書願標靈篆嵌岫嶠願
揮古聿排蚪蚪千秋點額染神魚一顆當心吐鶴硃
硯田行狩麒麟叫筆圃耕花鸞鷲俱負此百圖呈

紫陞化為龍馬瑞何殊縱使男兒不得志硲田尚
可事耘鋤奈何苦作依人計空負昂昂七尺軀否則
飄然從此遊五嶽山夔來執開山鑰夏碣周碑在青
嶠煙龜嵐鳳皆剝落睜開老眼細摩挲鑿翠雕青入
詩索洪崖大笑拍儂肩小子心頭未洒脫傳之千古
又如何不過好古權為樂可知四十九年非第一歸
來為妙着鍾阜遙青青江水碧如醺花鳥早相待風
塵不可停挈我圖書去誰羨五侯鯖名山韜寶氣雙
足未曾刑犢犁春雨出柴關釣艇秋風泛水灣骨月

幾人能快聚琴壺隨處得安閑
貴無梯兮奚所慕仙
無丹兮那得度兩兄逝兮廿餘年
我何幸兮過其數
豈百壽兮比百圖想遐嘏兮追
老父捧紅軸兮勝
黃封當知命兮猶不悟囊無物兮漫為嗤
垂明月兮
佩寶璐印有百分非黃金可傳家兮繼一經恐飛去
兮化為星留斯圖兮代壽屏壽千古兮何止百歌千
言兮驚百靈問自壽者為誰氏岫東沈氏而名靖

醉書僧舍

醉書字字斜好似起風鴉寺主來瞥見索去送通家

對酒題桃花扇後

名士能持節美人故愛才風流千古事感慨一時來
舊院空花柳長橋沒草萊只疑停按拍好夢繞江隈

秋日同友人集陶然亭得四律

古寺鬱沉沉涼風吹滿林亭臯方雅集馬首忽秋深
葭露伊人宅水雲客子心憑闌情不極五斗莫辭斟
十丈紅塵外斯亭足散懷閒情歸我輩勝事在天涯
灌木秋聲壯羣山夕氣佳詩成題素壁高韻晚風偕
竹林人少二可以叙心知忽聽陽關曲同傾祖道卮

坐中誰主客天末鴈參差相見旋相別平添兩地思
為期高六至日斷夕陽斜把盞戀芳菊停車驚暮鴉
難忘君獨醒共約醉為家秉燭辭新雨還來就月華

秋風清

秋風清秋月皎月色照愁人人愁惟月曉人生一世
老時多月到周天圓日少

中秋宿宏衍庵用老杜八月十五夜月二首韻

為問今宵月幾人唱大刀夜深蛩語混天濶鴈行高
今節逢初地愁心逼二毛慙依鳳池客乘醉一揮毫

烟靄浮瓊闕笙簫澈五城秋隨羈客淡月共故鄉明
古寺檀香散空階柏葉傾只疑天路近塵冗復何營
雨中同程又伊訪譚柳泉留宿挹爽樓

聞窻宿霧收竹樹轉清幽積水邀明月涼風送好秋
故人千里合懸榻一宵留莫阻樽前興重題王粲樓

六月二十日同翁曉林集杜如山寓齋話雨

細草看無際濃陰卷不開江南逢此景犁罷正黃梅
熱豈因冰却詩仍被雨催西山新沐後葱鬱氣佳哉
上國逢才子他鄉惜故人交情閒裏切客况雨中新

一飲連朝夕相看孰主賓世途君輩在潦倒任天真

過萬柳堂

一堤楊柳萬條烟丞相閒居此地偏夜飲酒傾金谷
數春遊人比永和年堂虛尚憶風騷主樹老爭逃水
月禪誰使繁華空色相獨留燕語夕陽邊

元夕偶作

六街鱗次七香輪銀燭金燈照玉人別有傾城惑名
士歌童占盡女郎身

白燕

幌依雲母暫開襟表瑞何年集上林同輩烏衣爭照
耀自憐玉剪動沉吟天河若有啣泥處月殿須存築
壘心漫向鶴羣誇善舞島烟凝碧為君深

甜

適尋花底借蜂糧笋蕨春山作意香寒食家家餽沃
粥大官箇箇蔗為漿還餘旨趣言中味別有酣情夢
裏嘗夜靜却思仙掌露不須餐玉更傳方

酸

病脾木氣最相妨濟變應知沃水良眉斂橙丁盤口

綠茵柔菜甲
瓿頭黃儒生
莫以嘉名戲宰相
由來和鼎嘗更有醯雞成
此癖桃花紅處即家鄉

苦

惹性豈同菊有芳
不爭道李獨推王
十年砥礪燈檠下
幾度逡巡藥竈傍
逐婦茶偏援
齋較智君膽更卧
薪嘗最憐霜月淒
清處聽到猿啼欲斷腸

辣

撮取幽畦劑作湯
焯頭芥葉只尋常
能溫骨髓多年桂
欲透神明逐日薑
集蓼須知虫自溺
殘椒莫厭卷

中嘗獨饒芳烈和盤托合向金生合應商

九日登團圓閣寄諸同人作

團圓閣前菊正開
吟登高眺獨遲徊
天教令節重陽至
地抱平湖萬頃來
鴈字斜行書碧落
樓峰倒影却銀杯
去年縱酒陶然上
夢寐難忘輔佐才

初冬曉起吟

酒腸波浪隔宵盈
身外嚴寒取次輕
似瀑狂風天外吼
如拳殘菊地中撐
豈因落拓偏增興
只為疎愚不受驚
垢面蓬頭懶梳洗
呼童掃雪整茶鐺

曉行保定道中有懷諸同學

起早持鞭色未昕
霜花撲面落紛紛
雞鳴野店聲喧
月馬渡寒溪足
絆雲天上征鴻
途次背夢中歸路
覺來分誰知思慕
同人切南北馳驅
搃離羣

通州送別沈晚芳

通州城外水悠悠
酒盡歌闌送別舟
今夜夢魂留不住
恐隨風便到蘇州

送周松灣歸浙即次留別韻

九年負笈走天涯
客次因君興轉賒
覓句逢花香入

夢斟醪對月
暈思家水邊
斷梗風初聚
天際飛鴻影
忽斜此去
刀環如早約
三秋月
色正清華

金臺夜雨同陳明遠話舊

昔曾同濟大江濱
九載依然拓落身
獨立金臺聞徙倚
相逢萍梗各酸辛
湖邊雨冷三更被
道上風淒五夜巾
好待醉題泥壁處
愁城打破墨痕新

瓶中芍藥調寄賣花聲

昨夜豐臺夢覺忽
移新處膽瓶中
玉泉滿注有情誰
料被有情擔悞伴
薔薇倩人調護
長懷難寫姚魏

了鬢誰做恨江東一時分付今來佐硯向青蓮微慙
酒酣時只求佳句

擬蘇東坡次韻張安道讀杜詩

當代文章伯惟君意氣豪規撫王室雅總攬楚人騷
近體登壇占元音類弁髦詞場迷鶩駕學海決洪濤
指鹿群為馬亡羊孰補牢博觀天寶載宗仰少陵高
力大千鈞弩才雄萬斛艘應劉分席坐沈宗拂衣逃
後起窺全豹長歌掣巨鼇都成尚友論不作過情褒
德足追周孔功憐遜禹臯八哀添白髮三賦換青袍

憂國方強諫忤君黜左曹妻孥兵後隔山水病中遨
每以忠誠貫而忘跋涉勞此心存簡冊亘古炳星旄
展卷風流在挑燈興趣遭瞿塘仍峻峽夔府但空濠
我輩思宗祀先生愛濁醪吟蒐如可接擬斬耒陽蒿

春晴

雨退巒光白晴開柳色黃鳩呼新逐婦蛙怒小遊郎
細草粘天濶閒花殢日長啟扉山在望蠲屐擬升岡

月下上寶珠洞二首

月小皎如鎌山明翠欲滴朗吟常建詩萬籟此俱寂

白雲隨風來風靜雲亦止有洞名寶珠寶珠何在爾
紅葉次高亭上人韻

遠公吟眺處數里晚楓留行遍白雲徑坐來紅錦樓
歲寒能幻色林醉不銷愁何似聞禪語天花落九秋

同友人夜話

歲月蹉跎詩筆荒何能覓句足清狂夜光似我雙眉
白秋色如人一口黃訕笑自知交道窄淹留翻羨客
鴻強守羶未是平生願準擬收書返故鄉

寄鑑潭和尚

錫杖飛停處撩予遠矚情信忝千貝葉疑發萬曇英
野燒升空唱泉源帶雨烹早來朝

聖主一鉢洗昆明

賦得山氣日夕佳

落日嵐烟迥南山暮靄紛餘霞增物色散綺煥天文
樹杪千重錦峰頭一抹雲鳥還冲晚翠牛下帶斜曛
遠黛平添媚新螺不辨紋遙遙燈火際留取挹朝昕

初秋夜聞笛

漸覺桐陰逗晚涼遙聞玉笛發清商風高度曲天初

淨月白飛聲夜未央
搖落柳生三弄手
別離人斷九迴腸
誰知喚醒頽然醉
我近湖居憶故鄉

戲詠螢火走馬燈

簇聚星光貫月精
朱幄工巧恐難爭
籠來却馬翻圍馬
製就疑兵不辟兵
丹鳥潛藏聞夜遁
紫駟往復逐宵行
紗囊寸許餘明地
恰似平津十里程

新蝶二首

翩飛何事傍簾櫳
十五妖姬舞態同
艷粉待調芳草露
輕衣初試杏花風
春回夢向殘秋續
夜合魂隨清

曉通從此繁華憑
管領驛間遺蛻是
莊蒙

葉底春寒夢未圓
東風喚醒舊因緣
偷香賈女纔傾國
傅粉何郎正妙年
彩筆摹來知獨媚
霜紈撲去動人憐
探花若遇花相問
家住豐臺芳草邊

晚步湖隄之外

薄暮湖山外
扶筇獨自行
峽流花面活
村火樹心明
忽想園蔬食
頻將市酒傾
奚奴忙問到
何處叱牛聲

初冬雨霽北塢晚步即景

新晴遙望處
画意遍山南
落照金初染
殘雲墨尚酣

人寒沾酒丹雀凍遶枝三雞犬前村散聞呼各就譜

憶菊

寂寞西風酒獨斟相思黃菊白雲深好花每恨逢秋
別佳句還經入夢吟三徑故人新隔面半庭寒月舊
知心劇憐此後重看處冰沍霜嚴兩不禁

秋暮同了心上人過朱氏園亭宿宏衍庵

秋老幽巖古木邊到來景物異秋前野雲將雨欲垂
地枯葉得風常遍天重九菊期誰中酒兩三蓮社我
逃禪日斜清磬遙傳響池館寒生一望烟

月夜留雲溪佟十二飲於近湖書屋

月上墻東角巍巍漸轉南同心持壯志握手鬪雄談
酒對花斟酌詩穿竹吐會中宵清露滴銀色似寒潭

烏夢

一時展翅逼層霄為覽塵寰破寂寥秀聳孤松招歇
歇聲傳修竹引翩翩莊周幻境爰虛喻列子乘風乃
幸邀覺後神全千里去舊巢無恙在山腰

重九見梅放如雪友人索賦

籬畔冷香堆誰從嶺上來白衣猶未別翠羽適相催

寂寞求清品芬芳想逸才孟陶居異世攜手共徘徊

菊棠並植

美人高士兩相隈一畝宮前巧作媒帶露凝妝信窈
窕迎風舒笑任徘徊秋容寫盡供詩料香氣飛來勸
酒杯此際借他權破寂可憐鬢髮雪成堆

題画上画眉

風流京兆謬殷勤羽族叨光也自欣斂翼丹楓誰妬
爾舒眉白菊若為羣啾啾月懷空谷忽忽遺形想
暮雲遊冶無心來巧舌網羅林下日被紛

題沈朝士月明林下美人來小照

迴風石罅暗香勻淺水橋邊明月春叅破禪機空是
色彼姝特現此花身

入夢留詩並香蕊檢書獨自伴昏黃嫣然漫許他人
索清瘦由來稱沈郎

得杭州陳養恬金陵書却寄

萍梗秦淮憶九年相逢泥醉菊花天憐余落魄秋風
裏海內猶存知己緣

陶谷清幽同見招主人醉酒客吹簫白門秋柳青溪

草目斷斜陽話六朝

羸蹄北發夢同居念舊惟憑尺素書此夕鍾山秋欲
盡陳郎詩興又何如

故園桃李負春風在北在南跡似鴻羨殺君家兄弟
好客窗同被雨聲中

九日飲潘東序寓齋

授衣未卜又秋深疲馬燕臺客倦臨蠟屐久稽山水
約簪萸始合友朋心樽前郭索充鄉味檻外霜葩助
旅吟高處不登非避俗登高歸思轉難禁

結客少年場行集太白句

白馬誰家子高揖黃金鞭託交從劇孟所向非徒然
雄劍藏玉匣不能療苦饑對酒兩不飲茫然空爾思
撫長劍一揚眉天生我材必有用意氣相傾山可移
君不見淮南少年游俠客我欲因之壯心魄長風破
浪會有時白首下帷復何益浮雲遊子意目極令人
愁百年三萬六千日棄我去者昨日之日不可留五
花馬千金裘仰天大笑出門去惟見長江天際流

舟中吟

風緊浪花浮寒光上散裘新醅沽野市細火乞漁舟
此去歲云暮將行心轉愁羨他山寺晚清磬出林幽
野景蕭疎處嵐光縹緲間煙凝如帶雨日落故銜山
繞樹羣鴉急投邨一犬聞布帆無恙在半掛石塘灣

新秋

獨坐清宵更未闌孤吟每覺字難安
纔滋玉露蛩音澀乍試金風燭影寒
團扇恩情疎袖底搗衣消息逗
林端捲簾擬放蟾光入容易懷人不忍看

過陳梅圃讀書僧舍

我慕陳梅圃禪房心跡清僧閒惟入定
花放不知名半榻雲遊影一爐茶熟聲
人來無倦色談笑盡詩評

杜景炯移居別久以詩寄之

劍氣西移匝一年子聲琴韻兩悠然
面臨潘岳閒居市家似張融陸處船
金盡橐中留傲骨詩成筆底歷名賢
不知此日燕山雪又合何人醉放顛

過周阜夫園亭

絕愛名園靜不譁携朋不語話周遮
趨閒共折金絲柳聚好都簪玉板花
画壁烟雲晴亦雨通巖亭閣近

還賒憑欄更向羣峰坐坐看松濤捲物華

周章成以詩見寄依韻酬之

湖右周昌宅論詩晨夕便多君幼婦筆示我百朋篇
道豈文詞合交推氣誼先相期應不薄幾社有名賢

贈李脩玉

先生李白是前身著述由來衆所珍詩境淵源今復
幾騷壇領袖更何人十年作客聲名遠千里結交道
誼真他日關山客我共從遊不致入迷津

同程顓書話別

剪燭話宵分留詩感意勤十年鯨共量千里鴈離羣
此去春江濶由來客思絲不為歧路嘆意氣信如雲

山中初夏夜坐聞雨作

空山寂歷夜牕虛明滅繁燈斜照書睡未來時詩未
就一罏茶可熟更餘

蛙鼓喧闐蚓笛清悶懷頓向雨中生何當松際來明
月坐聽新泉赴壑聲

初夏雜興

滿窓新綠四難工夏淺勝春景不同田父分秧微雨

後蠶姑浴繭淡煙中黃鶯漸斷千聲嘒紫棟俄飄一
信風底事高樓頻悵望花間還惜褪殘紅

賦得漠漠水田飛白鷺

輞川雨積水田肥破寂參差白鷺飛極曠邈中雲點
點最沉陰處雪霏霏一行莫辨東西陌幾隊難分上
下碕豈為樹暝聊避弋窺魚戲渚本忘機

懷人

夜夜星明碧漢端每依北斗望長安蒼葭縹緲人踪
遠白露淒迷鴈影寒砧杵萬家秋漸老關河兩地夢

應難知君氣誼由來盛燕市論交興未闌

秋閨

危綠辭金井孤蛩近西樓扇紈初怯冷眉黛已含秋
剪影燈前運砧聲空際流獨憐良夜月照徹半床愁

秋塞

木落失山深荒城肅氣侵冷螢燐共閃哀草馬長吟
萬里金閨夢中宵錢騎心征衣何日到邊地不聞砧

秋泛

擊楫一悲歌洞庭今始波岸沿紅樹曲天襯白雲多

洄溯人何在，嗟嘹鴈自過。平生涕淚足，不必吊湘娥。

秋眺

遠望杳無際，蕭蕭寒思生。高樓殘照落，野水敗蘆橫。
不極蒼涼目，安知感慨情。天涯有宋玉，到處是愁城。

秋病

落葉響空廊，宵長晝亦長。大都詩作祟，更覺酒添狂。
伏枕尋涼夢，捲簾怯素光。悲秋無限事，瘦骨獨禁當。

秋夢

春夢渾難選，涼宵續嬾緣。不知衾漸薄，依舊路經千。

境轉蛩聲咽，魂隨鴈影偏。可堪迷悟際，霜月尚斜懸。

秋讀

秋思清如洗，騷人一卷中。月疑窗外雪，童視樹間風。
靜結詩書契，平分晝夜功。豈花籬落下，和我有鳴虫。

秋思

相思情脉脉，相望水漫漫。旅館霜凝瓦，幽閨月轉闌。
何人憐菊瘦，有客怯衣單。心事蒼苔外，吟箋欲訴難。

春曉曲

碧紗春暖籠晴旭，雞聲啼過鶯聲續。佳人睡覺腰肢

軟意况常如病醺醪菜蕝帳底麝烟微瑋瑁梁間燕
子飛侍兒扶起尚遲違好夢千金贖不歸

春宵曲

挑燈繡罷雙鴛鴦不寒不暖宵初良亞闌干外月三
五飄飄羅袖來熱香香熱懶把琴絃摘小犬無聲花
寂寂東風只管亂人心何處吹來數聲笛

白牡丹

尋常姚魏見應稀姑射仙人帶月歸若比楊家諸姊
妹競夫人素太真肥

夏日閒吟

將針認指南不致羨肥甘天性惟餘拙人情搃未諳
移花堆木榻闢草積筠籃此外無他事晨昏詩一函

月夜有感

月來穿我牖於隙矚哀容燈影似明滅吟情正淡濃
身歆單版榻夢曳九真筇遠遍華胥處傲哉是阿儂

同溪濱索和秋水

一派澄鮮瀉萬流濯人不外此新秋鴈過冷影和雲
落魚化清光入月遊綠柳未凋黃草渡紅蓮猶放白

蘋洲于今是水皆如練何況平隄八丈溝

送夏

夏窮暑退不炎荒就枕厭厭一眈香覺後細斟無事
酒聽他人話打圍場

迎秋

水碧山明付白鷗一天爽氣上眉頭昨宵絕製新詩
袋且貯今朝六月秋

九日偶感

獨自倚臨臺臨風歎幾回不將黃菊采那得白衣來

祝朱聖諭祖母百齡上壽

由來上壽說期頤幾見當筵百歲姿王母薄遊看碧
海麻姑合樂獻瓊卮四朝柏節生蒼蘚五代蘭芽映
紫芝欣見

皇恩綸綍降考亭爭詠九如詩

和王軒來先生咏慶雲原韻

乍見疑飛鳳旋者是瑞雲如烟曾不暗似霧自成文
粉黛堆奇巧蒼黃截袂芬日邊繚繞切有志捧明君

泰山

五嶽獨尊崇明明霄漢通青分齊魯界氣壓霍恒中
殿宇雲常宿松楸雨慣蒙曉觀滄海處奇麗更無窮
霞

返照映高空當秋氣若烘九光搖鳳羽五色透龍宮
雲路鮮妍裏江天爛熳中朝暉移晚際飛度有征鴻

讀傳習錄

心地工夫沒異同要於日用以源達格通物理開塵
障致得人情見正宗學問何曾違易簡支離原不恰
中庸果能慎獨除餘想一實殊塗道可從

隨岳丈梁昌翁至大佛庵看梅

不厭雪香茶相思籠碧紗仙胎三楚女佛面兩梅花
濃淡心同照橫斜影共掣箇中消息事款款聽僧誇

過方敬夫山居

幽人端的愛幽居籬內新開十二渠釣月引兒荷檻
戲支風款客竹窻虛欲知樂境渾無事若問生涯但
有書他日携樽重過訪不須市味祇園蔬

贈北固山張自明老者

空谷有潛德幽光徵壽長不營城市事祇愛說家常

秋日見桃花大放作

金井傍驚滿樹開猶疑露井久遲回無言息女啣秋
恨有意紅兒戀錦堆艷奪晴楓低點石嬌藏哀柳漫
侵苔武陵切莫重相見不許檀郎花下來

端陽有感

曾為靈均赴水流爭拋角黍向江頭至今留得端陽
節似與人間替說愁

汨羅江上水茫茫千載幽懷付彼蒼婦女嬉遊渾不
解家家鬪草飲雄黃

同史立言林健周避暑莫愁湖天然亭內

閒來避暑水之濱脫下紗衫撒下巾可厭隔城難久
坐荷花無語似留人

荷筒截飲酒行頻一派清香薦齒脣歌善忘愁人去
遠湖光猶寫舊丰神

賦得園花雪壓枝

紛紛密密燦春時望裏曾無間缺枝不道千條昭瑞
色直如六出疊瓊姿循行簇錦何憂墜相質敷文悉
任披山野人家洵入画竹籬茅舍也稱奇

莫愁湖上吟

到來買醉是生涯
名利無須掛齒牙
四野煙鋪思粉黛
一湖月罩想菱花
飛鳥不約同棲樹
泛鴨何知各返家
大廠亭隱風忽起
兒曹笑我着輕紗

清明

于今何物繪清明
柳綠桃紅滿目生
不盡春光邀客賞
陶情次第醉芳程

秋日客邸吟

雲飛天際幔楓醉
曉來霜對此秋光
好鄉思日日長

讌集汪園留贈

徑曲林深別洞天
春來玩景興悠然
黃鶯弄舌成詩律
白鶴梳翎入畫箋
着雨杏花紅欲綻
披烟楊柳綠初牽
先生解組歸田樂
不受茶湯十萬錢

自嘆

斂翮守蓬蒿
何年振羽毛
剪蔬供草饌
煮茗沸松濤
敢說屠龍技能為
繡虎豪命途多舛
謬歌咏寫牢騷

立秋

炎蒸絕謝事
涼意把人撩
但見空庭外
梧桐一葉飄

芙蓉

早芳無奈晚芳何
秋日鮮妍偏占多
濯露自怡江畔
亭裝霞那羨沼中荷
沾光蝴蝶翻金粉
戲影蜻蜓點
玉波若把清華擬
艷妾春園辭却未曾過

過簡齋袁夫子小棲霞

小小棲霞處
看來儘快心
高山千尺
画流水一溪
琴潑墨資松霧
和聲係鳥音
隱君惟作賦
散步寄昨今
隱棲無別樂
樂得宦情刪
花發天梯畔
雲留松樹彎
長春藏密室
太古在深山
消却諸煩惱
何須覓大還

春日過岳丈梁昌翁園亭

漠漠徐熙水墨圖
春鷗數點有還無
我今坦腹東牀
上只為君家占此湖

昔年人去剩湖光
今日猶呼小字香
誰画雙蛾臨鏡
裏右邊鍾阜左清涼

登掃葉樓

樓頭明月老空山
山徑無人獨往還
落葉原來掃不
盡不如放帚得安閒

大佛庵看梅未到
先被友人於半路接飲

未到雲堂試露芽一帘留醉夕陽斜
飛來飛去提壺鳥無限關心在翅車

閒玩穿山逐鳥遊浩歌臨水為魚留
旁觀那解儂心趣樓定梅花枕石頭

劉恒毅招飲於欽天山之南

可解詩人感兩峰只因無句謝黃封
狂呼虎踞關前月來聽雞鳴寺裏鐘

明日重陽今日詩

明日重陽今日詩曠觀亭上日沉時
何妨小飲先酬

節不為微災早避之楓葉紅中秋
瑟瑟蘆花白處夜遲遲登高未見多
遊客踏破青鞋笑我痴

過馬道士山房

結茅山徑裏事事任擾揚石隙飛雲氣
花枝射日光不愁景物少自樂絃時長
有客依鑪右燒丹學妙方

岳丈坐天然亭吟詩

秦淮画舫夜燒燈老罷歌詞愛少陵
爭似天然亭上好詩成人坐玉壺冰

湖環新翠淨塵囂一水空明漾碧寥
靜氣逼來喧息

坐幽懷默默達終宵

題汪卧山詩集後

卧山俊逸鮑參軍一卷新詩五色雲
靜裏推敲成好句閑中辨論出奇文
梁塵落處猶餘響玉麈揮時竊與聞
自是精華歸綵筆何期擊筑更超羣

同李西庚坐天然亭分韻

飄飄蕩蕩綠楊津得共來遊未了
因山色誰先誇二月湖光我最愛
三春聽鶯滑擬歌喉脆窺蝶翩如舞
袖新坐久更多心賞事漁舟歸岬擁銀鱗

祝尹秋水先生八十暨夫人七十雙壽

吏隱函關八十春七旬淑德共生辰
彩雲齊向詒筵落仙酒分將舞袖新
百軸葡萄光燦爛一庭蘭桂勢嶙峋
湖濱快睹雙星慶肯藉鳩扶不老身

秋山曉望

秋氣朝橫野遙遙白一行固知都是露
且喜望如洋接日登天闕和雲入水鄉
農人真可笑行動總茫茫

咏後園龍爪花

獨立根芽獨占華何須繁茂始堪誇
應從雲際舒靈

爪且向林間發異花傍水已欣滄海近依山不苦洞
天遐文明到處都相合霖雨蒼生志自奢

秋日坐予小彎山茅亭吟

涼颼當曉過送冷到山亭不見人心素惟憐天角青
水長聯作帶松秀列如屏萬里皆秋爽鄉思更有零

歸燕

春至秋歸歲歲同已交八月豈蒙蒙許多飛舞辭巢
壘不盡呢喃別主翁南省塵輕江樹繞北關路遠海
雲通拈毫作賦休嫌寂花事馨時必轉蓬

喜王斗南過我山莊閒話

不辭山路遠到我小東莊臭味芝蘭合情懷松柏長
一腔詩勃勃两眼畫堂堂聯坐犁梢話慚予禮節荒

聽竇香品鼓琴

流水高山一曲琴子期千古是知音此時絃外多風
雨又有何人具會心

住七里洲莊屋喜譚石渠枉駕過訪

秋水當門正泳游牧童遙指到朋儔果然譚子真眉
宇迎過斜橋小渡頭

入門携手問收成膠漆誰如我共卿
夜半不知江月好隔圩猶有打場聲

和蕭自然詠紅梅原韻

塵外胭脂世外風南枝向暖瀉天工
本宜素質居林下却帶濃妝燦谷中
明月照來寧厭白清霜點過更貪紅
要知品格推仙種不與天桃一樣同

春景

韶光真似海一望摠無違柳浪層層起
桃霞疊疊飛山依紅作翠水倚綠成圍
向晚斜陽照芳情更若揮

登鍾山

千年紫氣秀中天載酒登臨興欲仙
怪石腰邊揆仄徑高峰頂上酌清泉
一杯玄武澄春色幾筆浮圖寫暮煙
松際徘徊還不下屏風嶺外月娟娟

初春北郊閒步

近郊風景甚安閒北阜高低可陟攀
曲曲短籬環蔀屋深深古樹鎖禪關
輕風吹面寒將暖好鳥怡情去復還
山色湖光如戀我迷濛春在有無間

虎邱山後納涼

虎邱山後遠舍空脫帽披襟起晚風涼夜不知明月
上碧天都在露華中

江天寺阻風

舟阻江天寺登臨滿目空不知何處笛如怨石尤風

贈岳丈梁昌翁

花鳥供詩酒湖山養德尊此間真樂境何必問桃源

重過清涼寺訪心悟上人

為愛山中寺携樽再過尋湖光開樹杪鳥語鬪花深
徑轉城斜抱臺高塔俯臨支公雖未見精舍會禪心

偕劉近仁史立言至永慶寺二巖上人山房省

桃花用辟間韻

眺望山窓喜欲狂紅濤直迸翠崖岡歸僧靜悟三空
界過客豪吟四大方斷續鐘聲敲宿霧呢喃燕語鬧
殘陽吾儕得得閒來此不分風生錦繡香

不在似狂是清狂花解逢迎爛滿岡到此獨嫌茶過
沉坐深惟愛酒通方近山煙起迷鍾阜隣寺鐘撞憶
景陽興盡莫愁歸路遠風和日暖野蔬香

秋日對菊同汪臨川分賦得二律

瀟洒籬門未許關青鞋布襪作幽攀精神笑出三春
外兀傲橫臨滿室間不怕霜於空際墜却教人自淡
中間薄裘羊仲頻來往為愛深秋第一灣
惆悵繁華未破關清清瘦瘦有誰攀光浮紫桂紅楓
外影映青松白葦間漫道凜英偏愛潔也因解意莫
辭閒蘇金不惜勤沽酒澆遍霜天共腹灣

和汪恐碌夜聞柝聲原韻

停杯漫飲聽傳更次第敲來不亂聲一夜無眠衣袖
短劉弘昔日甚關情

清明日警瑣兒輩

物色融融發萬槎時傳新火到人家書牕自有登雲
日野興閒情莫太奢

同汪臨川閒話

保守天根是上謀諸般拋撇任優游但看金鼎煙微
熄自見銀河水逆流火候無勞深探索爻銖不用細
追求隨風着筆歸純正必獲聲名遍九州
誰云斗極去人遐允聖脩靈豈二家一惡打通三界
路七星飛降五雲車不離平地窺金闕祇在虛堂結

寶華罪福都忘生智慧才知德性滿恒沙

舟中喜晤王弼山先生

煙霞襟抱水雲身得晤舟中似有因
頑不讀書石屋
子雅而琢句弼山人待看海岬珊瑚長
會掘松根瓊
珀新何異贊公逢杜老贈君白氎少花巾

為問蘭亭尚有基不離花月醉風姿
忘年直是交予
檄高志真堪頌爾詩道在好因前輩重名成
豈待衆
人知此言雖鄙無浮泛松際平分日一規

同孫昭忠鎖鎮南至天然亭納涼

不讀南華內外篇到來此地覺登仙
白蓮香裏垂綸
釣綠柳陰中枕石眠識面山城通脉脉
知機鷗鷺舞
翩翩梁家亭子天然好一種清涼值萬錢

雨止

庭中地白雨猶懸半似空濛半似烟
瞥見遙天雲破
處夕陽疑在大江邊

九月同人買舟泛秦淮

秋老秦淮碧水流暫停遊履買扁舟
開樽正過城頭
雨擊鉢方驚楫面鷗笙管聲貪桃葉渡
芙蓉色妬美

人樓當年開鑿因何事欲守金陵似鐵牛

隨岳丈梁昌翁至菩提場看梅

尋梅來古寺眼界忽清新出定僧鋤月知機鳥報春
檀心空色相香夢斷根塵一樹開山久菩提是後身

賦得月印萬川

一月當空起團團印萬川凌波分皎潔逐浪散清妍
色色開生面溶溶賽比肩高卑先自定俯仰影無偏
掬水多多有臨流處處圓冰輪推白練玉鏡寫藍天
璧浸秋潭淨珠明春沼鮮無私昭

盛世皓魄古今懸

烏江項王廟

風雨烏江一廟堂至今憑吊尚茫茫沉舟力戰楚秦
帝杯酒歡逢小漢王蓋世無雙知氣概臨流不渡見
肝腸者者血食如生日休把興亡較短長

懷甯仲山

一枝棲隱石橋邊境與心宜樂自然野鶴夜深乘月
舞江魚春暖起烟翩世情覷破惟耽酒生計求安豈
惜錢得伴孤山娛景物必多妙句落金箋

邀笛步

晉朝人物最清狂，隔岬招邀識野王。
偶爾一逢橫玉笛，欣然三弄據胡床。
抑揚調轉鍾山遠，斷續聲隨淮水長。
吹罷不知何處去，于今桃葉冷殘陽。

題涵碧樓

不識何年建此樓，夕陽長送往來舟。
自從陳董題詩後，一碧江涵萬頃秋。

水底龍吟響夜濤，樓頭旗鼓揭天高。
拓牕爛醉歌明月，曾見當年宮錦袍。

望莫愁湖

望望莫愁湖，風光入畫圖。
黛痕如可即，鏡影尚平鋪。
葉落驚沙鳥，霞飛映野鳧。
清涼山色暮，烟樹搃虛無。

送陸希晦北上

春江煙霧放孤舟，握手欵歔不可留。
此去黃河南北斷，一南一北一般愁。

踏雪

踏雪路無塵，清光映客身。
寒山埋草盡，瘦樹着花新。
寄贈客壽州，鎮陽關孫時修之岳丈洪衢雲。

每聆時修話知翁在客間
碁敲松勁石酒醉竹清灣
義氣何須問才華不可攀
相思無俗累笑傲八公山

隨竹橋汪夫子至觀音庵看玉蘭

寶萼參差冰魄寒不甘
堦砌闌春蘭枝枝玉琢攢梢
末瓣瓣香凝淡樹端雅質娉婷
西子媚清芬賞識俗人難
夜深月照層簷好好共梨花一色看

清香郁郁滿琳宮仰面欣看
愜素喪玉骨斜撐紅雨
上蘭心高吐白雲中
唐昌仙女來爭賞禁苑名賢倚
画室無葉有花開
本色月光照徹影玲瓏

宿海寧客樓聞潮聲

伏枕依然醒誰知我寂寥
胸中千尺壘海上一聲潮
客地言難盡家鄉夢尚遙
何能得斗酒醉過此殘宵

二月初一夜聞雷作

剛剛二月禹門開碾得空山
黑夜來難似侯玄心共
耳著書倚柱不知雷

隨葛聞橋老先生閒步雞鳴寺

建業宸居後偕行憶昔年
草埋饑帝骨土掩避兵泉
同泰莊嚴舊舍章影迹捐廢興
多少事欲說未能全

春日携友北郊散步憶竇香岳鼓琴

天工當二月淑景滿山林
疊疊嵐光動重重花思深
春來洵有脚雲出竇無心
那得香岳到冷然一曲琴

夜聞碓聲不寐

誰家夜靜碓還春
惹我愁人睡不濃
覆去翻來天欲曉
一聲雞唱一聲鐘

燈籠嘴散步

倦遊偶爾坐山磯
酒見沽來日色稀
不到雙峰園裏去
桂香偏襲旅人衣

王衢雲以詩寄予予依韻酬之

蘭亭風景啟前人
高雅如兄卧醉茵
截俗才通二水

瀉舒懷詩向兩峰

衢雲園名
雙峰

呻樓開讀画

園內
之樓

心常逸座列

琴棋意自親
欲滌塵襟來一訪
仙風披拂喜津津

寄揚州陳謙六三章

富貴何曾別有玄
行行止止盡良緣
欲知曾替春風意
須讀蒙莊秋水篇
超俗超凡增妄想
無人無我悟真詮
近來打破浮雲夢
一味逍遙不管天
一味逍遙不管天
非徒狂誕說天然
風花雪月如通

夢禮樂兵農摠入玄赫赫巖巖煩惱集平平坦坦是
非捐春溫秋肅因時轉造化分明在眼前
造化分明在眼前人生何不會其全非由博物工夫
少祇是徇私見解偏體道宜觀川上水居心莫慢屋
頭天能從慎獨探微秘得一原來即太玄

借岳父園亭邀簡齋袁夫子小飲

假地張筵鄙意申可能不棄許相親梁家亭外千機
錦學士胸中萬斛珍咳唾隨風散化鳳斟嘗坐月愧
庖麟拙徒得迂師軒過湖水從今更起蘋

坐天然亭即景

日暖風和芳草香鶯歌燕舞逐人忙天然亭子梁家
好怕碍湖光築短墻

孫楚樓空喚奈何莫愁人去不聞歌客來何處尋消
遣只待湖亭月上多

萬松嶺納涼

萬松嶺上萬松鳴坐石披襟興自生解事奚童提榼
至冰桃雪藕味雙清

刪竹

竹色陰森影萬重
嗔眸苦被綠雲封
一從昨夜刪除
後曉起推窗露遠峰

聞笳

江南好景早秋天
惟有笳聲最可憐
側耳聽從何處
起故宮城上曉風前

冬夜

擁被匡牀夢不成
悠然枕上已三更
功名未審何年
遂煩惱偏從靜裏生
側聽宵鐘幾百轉
急求曉漏不
輕鳴寸心檢點
終身事有限
良田肯輟耕

贈漁村張大

郭外棲遲意境超
已將名利讓人耍
考槃竹畝開三
徑
稽古松亭纂六朝
籬畔閒花無用算
枝頭好鳥不
須招
有時散步江邊寺
一嘯提壺過板橋

山上柳

崕邊三五樹
搖曳漫高空
帶霧拖朝露
連雲櫛午風
青垂盤石白
綠蔭落花紅
直訝陶潛宅
移來洞口中

史墩

史墩真突兀
水勢歷來平
四面青波涵
中心白葦明

題崇化寺枯松

貞心日日對如來形質雖枯性不灰歷得千年應化
石西天取伴九蓮臺

盆栽野芝

得一野靈芝盆栽近水池青苔白石際如見古仙姿

黃聖延指涼帽索賦

絨不裝面着纓紅才戴涼冠喜色融田父箬篷還是
俗山人竹笠未為工我我軒舉生清氣整整圓明起
好風首服 聖朝從物尚無窮輕便絕牢籠

清明

調用南鄉子

細雨弄輕煙點綴清明景致妍喜得良朋相聚首開
軒且趁芳辰賦綵箋 不為杏花天只寫潛修閉戶
篇雖是揮毫無妙句狂言莫作春風過耳邊

暮春雨中偶興

風風雨雨送春歸無酒無朋獨掩扉修竹繞堦芽競
吐疎桐當戶葉爭肥溪盈新漲喧蛙鼓籬隔芳園冷
蝶衣百卉應隨時序老燕雛又負濕泥飛

春恨

調用蝶戀花

九十春光將盡矣語燕啼鶯不管人嫌底午睡醒來
還怕起只因懶把殘粧理 漸漸形骸瘦至此何故
伊家戀着他鄉里不念愁人愁欲死連宵鎮日難丟
你

梁亭集飲陸希晦索賦起字限用金石絲竹匏

土革木韻限用溪西雞齊蹄時夏四月

金鶯嬌囀綠楊溪石燕重來舞院西絲雨紛紛迷去
鴈竹風簌簌振鳴雞匏樽恰稱醪甘美土缶偏宜蔬
味齊革鼓漸催春去矣木香亭畔杜鵑啼

看菩提場信心上人栽培花果

出家如在家別作一生涯培植因緣果剪裁智慧花
法門原有種香阜自無邪對此允心淨應偕閻苑誇

山中吟

不屑顧私恩入山將拙存鳥啼花帶韻雲起石翻根

對藥畊上人閒吟

衣裏圓珠本不理此身誰說是允胎戒心切處高天
近道念深時慧性開鳥語花香呈長老風清月白見
如來世間儘有聰明子好把聰明細主裁

將雨

烏宿深深樹高天入晦冥垂楊終起影密草已流形
雲亂山頭濡電明水面腥太平三十六香氣滿郊垌

過天界寺有感

殿檣散似蛤壁粉剝如龍大佛無僧供長年不響鐘

贈陳與喬先生隱居課子於汪家莊

書齋現結在山涯徑曲泉流一帶斜有子望成天下
器無仙嘯駕斗邊植千龕錦繡驚人賞萬斛珠璣恥
自誇直待彤庭傳甲第宮袍催放牡丹芽

